

壬子九月

增訂武城縣志續編

板存禮房

武城縣志續編

增訂武城縣續志序

民國紀元之年適武城邑志告成董其役者王君允堂促鰈生綴言以弁其首按武邑志創於明嘉靖己酉清順治中復踵修之乾隆庚午駱李兩令捐貲倡修一時采訪確實編輯詳明僉曰善本道光末造厲令惕齋續志四冊甚屬缺畧庚戌定州王君鶴芝攝斯邑篆以考文廟樂舞生之餘欵提議設局增修章程門類次序悉以舊志爲藍本簡者補之陋者刪之新入事實

武城縣志

卷之序

一

依類增列雖文章不必沈博鉅麗而立言翔實無假雕飾他日民國基礎鞏固聲明文物冠絕五洲我大總統飭輶軒采風或有取焉是爲序

中華民國元年四月十二日卽陰歷壬子二月二十三日武城長咸陽李繩先芝政甫書於官廨之蝸廬

增訂武城縣續志序

縣志者一邑之史也攷治者常用爲資焉而纂著則頗難其人武城縣志創始於明之嘉靖尤見洲賡續成之者爲金一貞守諒及前清房君如萬達然多闕畧未備歷百餘年駱君甸方出始增易體例成爲一邑信史又歷九十餘年而有儀徵厲公秀芳之續刊其間散佚斷缺讀者憾之繼厲公而有作蓋又在此邦賢有文者已余蒞斯邑下車伊始王君允堂卽以重修縣志

武城縣志

序

二

告成屬爲弁言於其首余以公事旁午素不嫻爲文又以未見其書於纂修始末及排比事例懵乎未有所知辭謝未及爲繼而王君敦促再四且言雕梓已竟專俟序成刊人之乃不辭而爲之序曰武城古名邑也衛河漕轉東南之粟由縣治徑達直隸天津以至京師舳艫千里相銜商賈麇至市易繁興固一委輸通貨之區也自漕運改制而商業頓衰生計亦因而彫耗余來武城由德州買舟南下甫入境見夫平

疇疊襲居民纖嗇猶有鄒魯齷齪遺風竊
歎山川之氣未昌而文化之興獨後矣繼
而循行井閭訪問謠俗則見野無奇邪之
氓市鮮淫僞之貨荐紳人士潔已守法宦
游四方者亦多以文治武功知名於時其
質樸純懿乃勝於他郡縣遠甚爲之歎異
者久之近日風俗抗敝士大夫類以浮靡
巧詐相競武城獨敦龐近古若斯此先賢
教澤之所留貽而守土者所樂與此邦游
處者也風俗者由相積相蕩而成而爲治

道因革盛衰之所由繫也古者天子巡狩
太史觀風下至郡國守相亦莫不條舉天
下之風俗利病以資考證於民質良楛俗
尚貞淫蓋綦重焉而後世之爲治者漫不
察時勢習俗之何如輒以異國不相習之
法強以施諸格不相入之民何怪其愈治
愈焚動滋變亂也乎然則考核一邑之建
置沿革山川形勝與夫田賦學校兵戎諸
要政旁及風土物產宦績人物舉一切至
纖至瑣之事俾皆犁然有當於心非獨史

家之責抑亦守土者之所有事也邑乘於目錄家屬史作史以表志爲要昔桐城吳摯甫先生作深州風土記凡百事物悉以表著之奇出萬變不可方物冀州湘帆先生歎爲史遷以下絕作然自始議以迄終事積三十年而始竟其爲之難且久蓋如此今王君等僅纂輯於一歲之間而又當亂離多事之日其不克舉彼以例此昭昭明矣然能遺棄聲利而從事於所學其功勤亦不可沒余喜是邦風俗之美而又嘉

王君之能網羅舊聞跂踵前美也乃爲序而歸之

中華民國元年十月卽壬子年九月知武城縣事棗強李書田謹序

武城縣續志序

武城縣志自駱君甸方於乾隆十四年重修迄今九十二年未有踵其事者余謏陋無文曷敢以修志自任第念此九十餘年以來事蹟之湮沒者不少卽此時亟加採訪而已半屬無徵况復任令湮沒後世君子更無從考訂矣余不揣固陋公餘檢查檔冊凡有關民社者必召詢吏人若者因若者革一一筆識之積三年而成帙乃商諸秬薌張君廣文擬續於舊志之後廣文曰善卽請以未載檔冊者就同人諮訪之適是夏河水順平衙齋多暇爰仿舊志之式手自編錄閱三月脫稿雖體例非所素諳而往蹟之湮沒者實藉是編以維存之且令後任君子凡屬民社之事第開卷而自悉亦未始非芻蕘之一得也後人有事統修卽以是編爲後來之副本焉亦無不可峕道光二十有一年辛丑歲孟秋之吉文林郎知武城縣事儀徵厲秀芳惕齋氏謹叙

武城縣志

卷之序

一

續

武城縣舊志序

武城志之荒略殘闕所從來遠矣攷當時作者爲明嘉靖己酉令尤見洲麒前此未有也隆慶己巳金一貞守諒因而增修其間相去二十餘年耳自後終明之世無聞焉浸尋變易至我皇清順治庚寅乃得房君如萬達是又國朝武城令之見洲矣而所志如職官建置與一切事類闕略殆甚雖志而不足爲有無於是論者率以苟簡爲君如咎要亦咎之已耳未聞有爲之一貞者也蓋歷今且百有餘年而余適承其後閒覽其志未嘗不咎其闕略且病其語無

武城縣志

卷之序

二

詮次幾與斷爛朝報等不足觀也旣而思之夫君如則何咎之有撫茲百里當興王更化之初邦家新造制度因革損益尙未盡備又明季土賊草竊奸宄餘氛尙未盡殄四郊多壘庸夫處此城守且不暇顧猶能休其餘閑從容商榷爲邑乘計此其才識優長已有明驗非竟憤憤而失之闕略也母亦兵燹之餘邑人士瘡痍鳩鵠救死謀生之爲急誰復留心掇緝相與拾遺而補漏其闕略者時也勢也於君如乎何與獨怪夫繼君如者且十數公矣由順治而來重熙累洽四海晏安身爲長吏職當道揚作新乃舉夫

事之宜大書特書不一書而足者上而良法善政覃及方隅下而忠孝節義有關風教若此類竟坐視其散佚殆盡泯泯無所尋逐以至於今何其偷也向使此十數公者而丁君如之時偷又甚矣卽欲求爲如此闕略之志將必不能而尙敢以苟簡爲君如咎哉嗟乎此予所爲掩卷太息萬不獲已於斯志之修也蓋旣責他人之不修矣尤而效之夫何敢特余方以所修爲君如之一貞而視一貞之去見洲已遠甚茫茫百餘年間事蹟散亡以今日邑人士留心掇緝而限於見聞若此闕略竟闕略矣雖微余之鄙陋獨且

武城縣志

卷之序

三

續

奈何哉無廢後觀而已若夫志之有裨邑人士而備他日輶軒之採與邑宰之資以興革勸懲所關非小舊序不啻爲余言之無煩辭費矣故旣脫稿惟略述修廢所由以待後之君子踵而增焉不然而亦如前人之聽其散佚已也則自今以往其闕略當必有任其責者不能爲余之一貞而徒齷齪以咎君如者轉而咎予無庸也皆

乾隆十有四年己巳歲仲秋之吉文林郎知武城縣事宣成駱大俊甸方氏謹序

武城縣舊志序

從來山川名勝之所在聖賢流風餘韻之所存固宦遊之士所樂躬其地載筆者所樂摛其藻者也天下郡邑星列碁布指不勝屈矣弦歌聞而武城遂籍籍人口顧疆場之邑一彼一此而歷代轉徙建置名號沿革復不一立乎今日以指春秋春秋之世遠矣由漢而來可考也漢興分秦之鉅鹿郡爲清河郡中置東武城縣其地卽今之武城也至去東專以武城名則自晉太康中始沿歷隋唐宋元迄有明弗改我朝因之武城之爲武城也厥惟舊哉或曰今之武城

武城縣志

卷之序

四

續

與魯之武城有間矣夫武城之所以重於天下與天下之所以重武城者以武城重歟以宰武城者重歟且夫學古入官者貴師古人之意而已不惟其地也聖門諸賢以命世才試於一官一邑者衆矣雖所宰異地寬猛勞逸異宜要其學道愛人有異地皆然者爲宰者苟隨地能以子游治武城之治治卽隨地可作武城觀矧茲弦歌有臺莞爾有堂謂之疑以傳疑也可卽謂之著以傳著也亦可諺曰不習爲吏視已成事有成事而不之師是卽日居子游氏之室誦子游氏之言奚補焉今 上龍飛之十四年孟冬予

捧檄承乏茲土甫入境見其土俗敦樸素尚禮節力稼穡務蚕績旣信志所稱爲不虛下車後以公事循行原野所至黃童白叟環迎馬首前後美哉其殆有易使之風乎自非飫聞仁賢之化沐浴 聖朝累洽重熙之澤曷克臻此夫士人當束髮受經時讀齊魯論愾念弦歌悠然神往一旦縮半通身臨其地今之民旣不異於古所云矣今之君子其爲克廣德心惠我人斯者宜何如也吾聞之豪傑之士無待而興太史公曰高山仰止景行行止雖不能至心竊嚮往之余以菲材一行作吏私心竊喜適與先賢所宰之地

武城縣志

卷之序

五

續

從同而又惴惴然深以不克稱 聖天子慎簡牧令之意副 大憲爲官擇人之心廣先賢禮樂陶淑之化是懼故於讐校新志舉付剗削之下手卷太息而不能已於言言之不文非所計也若夫斯志修輯之顛末與是役採掇之勤瘁前令尹駱君甸方大俊詳哉乎言之矣茲不更贅是爲叙旨

乾隆十有五年庚午歲季春之吉文林郎知武城縣事南州李湖漫堂氏謹序

武城縣舊志序

昔韓宣子適魯見易象與春秋而曰周禮盡在魯夫子有志於夏商之禮杞宋之文獻不足則每歎其無徵志之所係大矣武城雅稱獻邑舊未有志不才承乏數月卽進邑博陳君淺泉而告之曰志也者一縣之史也鑑古規今昭前貽來於是乎在予司茲土子典文教是邑之志可復諉諸後哉乃走幣於三河司訓劉君求初稿四帙復取山東通志東昌郡志并以耳目所及次第增入屬辭比事俱付諸淺泉而於一邑大致所係者予後先參多所裁定邑進士高君

武城縣志

卷之序

六

續

星石知舊事爲詳編次補亡重加釐正閱周年脫稿稱完乘焉別爲十卷首疆域以明封宇次戶賦以重民力次官職以嚴典守祠祀次之而神人和矣學校次之而風化端矣選舉次之而賓興盛矣俊彥爲時珪璋著述爲邑文獻殃瑞爲治徵應故人物文章祥異又次之至於寓賢叢說亦皆可資見聞故以雜志終焉而一邑之史於是乎備矣大都一邑之史人與政而已政述其已行者詳其未備者而孰利孰病當因當革爛然可覩也人表其尤著者附其得書者而孰善孰否當法當懲爛然可覩也志成之後使產茲

士者於人於政而稽之則爲鄉賢爲里仁武城爲名
邑於前有光矣使官茲土者於人於政而稽之則爲
名宦爲德政武城爲治邑於今爲烈矣然則是志之
修豈徒聳觀美侈文具而已哉錄實傳信化今啟後
固予之所厚望者昔言子爲武城宰文學之名弦歌
之化遂甲諸天下而地靈人傑漢唐以來如趙苞孫
伏伽諸公俱以忠孝德業爲東郡冠則夫武城之見
重於世舊矣吾儕之爲武城重者當何如耶予不佞
聊述管見以勗諸同志者嘉靖己酉夏承事郎知武
城事晉江見洲尤麒謹序

武城縣舊志序

志史之別名也貴辨貴的貴法而可勸可懲三者備而後可以言志武城舊有志予始取觀之事類多淆規制多舛紀載或私簡策雖備而尙歉於志之稱亟欲修之時方眊篆未遑近試驚三祀公庭稍暇顧簾垂影慮瑟怡情頗以逸自娛然恐自逸非所以率職每思吾之所務備荒建義倉矣啟蒙立社學矣學道營書院矣敬一射圃葺亭矣修捍衛以固守封疆者城隍式廓矣他廢墜未舉者猶多而志其尤也於是禮聘秋山傅子任其責傅子素嫻文章較劑其所長

武城縣志

卷之序

八

續

又與予有桑梓之雅辱不見遺欣然俯從之延之別館掃跡操觚無間昏旦供役者手不能停越月而績就予觀其志綱計之凡八焉目計之凡六十有四焉自圖像至藝文事類則甚辨也爲表爲傳大書特書皆有據有考詳不病於繁略不病於簡規制則甚的也與賢奪不肖增其缺失去其荒謬昔以私意竊人而不協於道者不能逃其是非之公凡所紀錄可表天日可質鬼神以法則甚嚴而勸懲於是乎存也昔唐人李翱任史館修撰惟直載事功而不取行狀傅子之志庶幾矣余歎曰美哉志也傅子其善於較劇

哉其無負予聘哉命刻之且序隆慶三年歲次己巳
夏六月文林郎知武城事一眞子烏傷金守諒書

武城縣志

卷之序

九

續

武城縣舊志序

邑故有志舊令金公成之觀其叙致書地書人書事
詳矣蓋守土者以之貢俗憑軾攬轡者以之觀風志
何可廢也顧自春秋歷南北朝以至明之嘉隆止矣
後未及載也余入境問志縉紳耆老僉云當年棗梨
不幸兵火之餘已成灰燼網羅久之獲一刊本則形
像點畫漫滅不可辨識是邑有志而無志矣余爲之
愀然已而慨然曰斯志也昔奚以炳如日星今奚以
若存若亡豈考古準今蒐遺補闕非今日守臣事乎
乃慎簡其人招致一二博雅偕邑子之庶幾三長者

武城縣志

卷之序

十

續

廣輯互訂撮要成書中間陵谷之變遷賦役之盈縮
職官之更置人物之興衰所謂五帝殊時不相沿樂
三王異世不相襲禮者幸際興朝祇承新制固
載筆之士所樂爲大書特書於以光昭前古垂訓來
茲也至於鬚眉抗節笄字流芳綱常名教所繫亦何
敢沒其姓字令與草木同朽哉於是一披斯牘而武
城之爲武城瞭然目中蓋又無志而有志矣論者爲
是編也約而該詳而不縟要之去文而存質焉非去
文也不欲文之沒乎其質也矧其文且漫滅不可識
辨雖欲不去安得而不去抑又聞戴記之言曰有其

舉之莫敢廢也余於此誠多所欲舉而未之逮矣然
終不敢以文具塗飾獵名而干譽者儻亦信史遺言
乎是爲叙順治庚寅季秋文林郎知武城事遼陽房
萬達君如甫謹識

武城縣志

卷之序

十一

續

增訂武城縣續志姓氏

總裁

花翎五品銜在任候補直隸州署理武城縣知縣癸卯進士

王延綸

同知銜特授武城縣知縣乙酉科舉人

李繩先

署理武城縣知縣癸卯科優貢

李書田

參閱

武城縣教諭

韓建功

校對

武城縣典史

韓繼祖

局監叙稿兼採訪

武城縣志

卷之

增修姓氏

十三

續

優廩

生壬子正貢王黼銘

副監兼採訪

廩膳生

馬長榮

繕稿兼採訪

廩膳

生壬子正貢張慶魁

鴻臚寺序班

張廷桓

帮修

優廩生考取孝廉方正

劉炳棻

優廩生候選巡檢

趙鵬齡

採訪

歲貢生

王炳奎

歲貢生

吳方策

附貢生

齊恩詔

附生

劉元福

附生

張璽

附生

附生

陳鴻範

廩貢生

齊鳳德

己酉拔貢生

張鳳翔

武城縣續志姓氏

纂修

文林郎知武城縣事加四級紀錄二次厲秀芳

協修

修職郎武城縣儒學訓導 張大樽

分校

徵仕郎候補州判借補武城縣糧河縣丞陳以庸

修職郎武城縣儒學復設教諭 陳文治

登仕佐郎武城縣典史 高禮瀛

採訪

武城縣志

卷首

續志姓氏

一

續

邑辛巳科舉人 張 珽

邑丁酉科舉人 秦太璞

邑乙酉科拔貢 趙 玠

邑戊戌科歲貢 劉煥文

邑增貢生 王 峴

邑附貢生 李宗元

邑太學生 周復禮

邑職員 張 業

邑職員 邸萬傑

邑廩生 王如水

邑廩生

張永成

邑廩生

潘殿樞

邑廩生

陳邦翰

邑廩生

冷俊魁

邑增生

周耀

邑附生

于振清

邑附生

劉承曾

邑附生

劉彬

邑附生

劉錫侯

邑附生

張人紀

武城縣志

卷首

姓氏

二

續

邑附生

袁星衢

邑武生

劉輝廷

凡例

一武邑志書創於前明嘉靖前此未有也考通志大書建文四年後榜狀元韓克忠係東昌武城人舊志失載續志未錄故補入之

一縣景有六老志向係八景因蔡河清節一景多謂不合故刪去二景茲添子游廟之隱城一景曰隱城曉望齊庄之唐槐宋杜一景曰古木凌霄共合爲八以仍其舊

一星野邱墓邨政雜記各門續志不載茲按舊志原文抄錄添列以昭完備

武城縣志

卷之

凡例

一

一宦績人物悉按碑碣所載父老傳聞者據實登錄不敢稍涉影響致貽羌無故實空言贊美之譏如有遺漏以俟君子

一邑志以駱李之編輯爲最厲公惕齋續志四冊悉按舊志門類是役也恪遵續志廣加搜采顏日增訂門類次序一仍其舊

一武城非古武城舊志業已附會矧莞爾有堂弦歌有臺子之有亭誠能以子游之治爲治則愛人易使無在不可作武城觀也沿襲已久茲不

復辨

一屬詞記事隨時登載者易曠時彙輯者難武志
自駱李以來百六十年雖厲公惕齋續志四冊
而三月告竣當時已多遺漏矧厲公至今又七
十年卽欲搜采無遺實難考證百年散佚一朝
彙集缺畧之譏誠所不免閱者見諒

一變法以來 國政日新文治武備諸多未定不
敢詳載 王黼銘允堂氏謹識

目錄

序

增修姓氏

續志姓氏附

圖考

凡例

目錄

星野

建置

沿革表附

巡幸

疆域城池

修城及分區總說簡明表附

山川形勝

河工附

田賦

學校

義學并田及修

聖廟附

祀典

寺觀附

選舉

武備

驛遞

武城縣志

卷之

目錄

一

郵政

風俗

物產

職官

封爵附

公署

宦績

人物

列女

地封坊表

廕襲附

邱墓

祥異

藝文

雜記

續卷之一

星野

抄錄舊志

十二次分星及歷數家測驗其說多牴牾難通
繹史辨之甚詳茲所述雖武城一隅而舛錯亦
有可言如云冀州之野昴畢趙分殆不然矣誤
所從來兆端漢志蓋因趙有清河而漢置清河
郡武城屬焉遂忘其先不必果爲趙地又其時
清河諸郡同隸冀州部內遂以爲郡禹貢冀州
稱名之訛所謂璞鼠而鼠璞也嘗覽明季曹氏
志勝一書攷覈輿地山東全境實古青衮徐三

武城縣志

卷之一

星野

一

增

州之域與禹貢冀州疆界不同信而有徵得非
昔人言有乖越後進事反精審者乎今東省通
志

皇輿表歷叙古今沿革凡東昌所轄夏殷以前均爲
兗地其非冀州於此益信且漢志齊地北有千
乘清河以南通志引之謂清河一郡實亦齊履
之所屆卽不得專屬諸趙抑又明矣夫海田可
變景緯無遷星之主土當從其朔故論武城分
野以州則或角或亢或氏統之乎兗以國則或
虛或危可兼乎齊縱周末屬趙而地有常所寧

容改兗爲冀移的就箭誤乃滋甚雖然誤矣曷
爲不革疑則傳疑聖人之教存吾所辨更俟博
雅可也何必遽廢舊文哉

武城卽古之冀州地也天文屬昴畢大梁之次

舊志

按論州
當爲袞

支神在酉趙分冀州實沈之次

舊志按論國當
云虛危齊分

按舊志旣誤以漢冀州爲禹貢冀州而星次旁
及實沈則誤之中又誤焉晉書天文志推言郡
國宿度自胃七度至畢十一度爲大梁於辰在
酉所謂趙分冀州者此也若實沈之次則自畢

武城縣志

卷之一

星野

二

增

十二度至東井十五度且於辰在申而爲魏分
屬益州矣兩辰牽引裨合爲一不知何據況武
城屬兗前說固皆確有可信耶但兗州分野角
元氏三星若如鄙見又兼齊地虛危究將何主
嘗考漢郡星分原非執一如東昌府之在平漢
屬濟北國本皆齊地乃不列之於危而屬亢蓋
以州論者卽不復例以國若此類多有可參觀
而得也况周天三百六十五度一度二千九百
三十二里分爲十二次一次三十度以地準天
自宜由近而遠武城去在平百數十里似可比

濟北屬亢之例不然東接高唐北隣德州相距或九十程或百餘程卽以齊地虛危參占孰與今河南彰德衛輝直隸保定正定冀州趙分諸郡疆域懸隔者哉然終不析舉而條列者何也非直爲臆說駭聽亦以星野實區區一邑所不得專史通譏班固天文志以爲刊之國史何代不可卽此意也若爲考變占祥有關修省則惟在欽若者彼此參占而會通之卽東省通志亦

云何獨武城後之覽者當自得之矣考前明東昌志以聊

城堂邑在平博平清平高唐夏津武城俱爲齊又云分野之說談象緯者按圖推步不免曲附

武城縣志

卷之一

星野

三

增

牽合今據清類天文志紀其梗概以備倣戒真可謂先得我心矣但復以臨清武城各縣志屬趙地昂畢爲疑亦惑於冀州趙分之說未暇詳核耳不知漢以後所謂趙分之冀州非趙分也冀州也通志的斷爲齊地鄙論已詳當時府志依一統志通志的斷爲齊地鄙論已詳當時府志今武城志之左證也因脫稿後始見故但述其畧云

以上鈔錄舊志

續卷之一

歷代沿革前志已詳言之矣茲僅獻疑三條並誌
改屬之始續建置

舊志夏后啟封子武於此通志亦云今查州志則
謂夏禹七代孫芸封公子武於此疑必有所本
也

舊志屬東平路今摹縣之題名舊碑首係以山東
東西道查夏津志亦云屬東平路而其沿革表
亦繫以山東東西道意者東平路其地而山東
東西道其官耶存疑以俟後之博古者

武城縣志

卷之一

建置

一

續

舊志謂與高唐夏津同爲駙馬都尉武毅王湯沐
邑今查高唐州幹朶忽都政績碑文云聖元開
創之初封建宗室皇曾祖姑齊國大長公主駙
馬有佐命之勲裂高唐夏津武城三縣爲湯沐
邑迄今爲皇甥駙馬都尉趙王分地國朝之制
宗室諸王得承制署官監治封域號達魯花赤
云云然則武城之爲武毅王湯沐邑非一世矣
王之孫曰忽都納再傳曰幹朶忽都再傳曰瀋
温祥皆有惠政載高唐州志

舊志屬東昌府乾隆四十一年巡撫楊

奏請臨清州改爲直隸州管轄武城夏津邱縣是
爲屬臨清州之始

武城縣志

卷之一

建置

一一

續

歷代沿革表 抄錄舊志

自天下分爲郡縣而歷代因革損益名號之煩
 史不勝書矣顧當其一朝隆盛君相賢能規模
 區畫定地犬牙省會都邑或前合後分或移此
 屬彼大小遠近之宜稱使夫官僚士庶居其地
 者無事而致教易敷有事而臂指相使具有遠
 謨豈漫然割據而郡縣之哉以故論世之彥披
 覽輿圖當時撫綏控馭得失之故歷歷可指焉
 若僅如讀左傳者識瑯琊之爲鄆注水經者辨
 呂隱之非譙則范史所云略存減益多證前聞

武城縣志

卷之一 建置

三

增

蓋其餘也

表	唐虞夏	兗州地	夏時
殷	后啟封子	武城	後子
	因於此	武城	後子
	見名武	武城	後子
	圖	武城	後子
周	春秋	舊志魯地	
戰國	趙地	平原	
秦	鉅鹿郡屬		
漢	冀州部		
	清河郡屬		
	東武城		
	<small>左因</small>		

隋						後周						武城縣志		北齊		北魏		南宋		晉		後漢	
														齊州		冀州部		冀州部		冀州部			
清河郡屬						貝州屬						建置		清河郡屬		東清河郡		清河郡屬		清河國屬		清河國屬	
貝州屬						貝邱縣						四											
縣分	武城	縣仍	平六	武城	貝邱	武城	於平	清河	貝邱	城地	貝邱	中又	武城	武城	復去	武城	東武	東武	城以	馮翊	武		
即置	城舊	析於	之年	縣皇	縣開	城	陽郡	郡治	而移	省入	武以	郡並	縣安	縣永	稱東	縣太	城別	為別	故有	加武			
今歷	縣地	東武	廢陽											武城	康								
恩亭	又置	邱	城											字									

改高唐爲直隸州別轄四縣武城自此以東後徑屬昌府

舊志建置甚略今據歷代史表列如右顛末加詳矣削弦歌郡之名存春秋魯地之說無稽者刪可疑者將徐核也蓋嘗攷武城之名六見於春秋內傳而計地則三僖公六年蔡穆侯將許僖公見楚子於武城杜註楚地在南陽宛縣北此與成公十六年鄭子駟從楚盟之武城均當屬楚若襄公十六年經書城武城杜註泰山南

武城縣志

卷之一

建置

六

增

此與哀公八年吳伐我昭公二十三年邾人城翼兩傳所稱武城皆屬魯於何知之即於杜氏之不重註知之至文公八年秦人伐晉取武城以報令狐之役註不詳何地似屬征南之疎然傳既明言伐晉而顏氏引以註前漢左馮翊之武城前明城隍廟記斷為晉武城亦未見漢書此註耳臆度之言未可為信也是又晉武城矣故曰名凡六見計地則三也邑先達王少宰文錄於傳尚遺其二而後之論者乃斤斤指行杖邨名證先賢之作宰欲以間執衆口難矣每覽歷代循良興利除害政績各殊而史

冊所稱不尙繭絲則一何況學道君子愛人爲心乃於平原曠野赫斯悻怒鞭撻示威其去嚴酷有幾如此傳聞齊東之語豈足信哉必求可據仍於吳伐我傳庶幾得之何也傳言鄙人道吳師伐武城矣又云克東陽而進舍於五梧明日舍於蠶室攷武城古蹟縣東北有東陽城非耶城雖築於後來地實合於前傳矣援此附會有因固當遠勝他說况傳中兼及澹臺子羽之文而縣治西北有澹邨相傳爲子羽氏故里稽古準今不又有可依稀彷彿者乎獨惜五梧蠶室之魯邑未悉其所而東陽故城舊志失載以至於今泯泯也嗟乎怯夫慕義何處不勉武城一邑是魯與否非有得失利害之相關而舉縣士大夫相與力爭良以弦歌雅化積厚流長羣欲私賢宰爲我不肯甘心退讓於是造言遺跡以傳之猶未已也更復建祠置碑以永之百計支吾務期雖僞亦真蓋至今去春秋千百載而願附高賢以聲施不朽者猶人人此心焉其亦可感也矣予嘉其意故亦樂與之附會如此

且以俟諸後之感予之感者慎毋以建置之詳徒規規作建置觀也
以上鈔錄舊志

續卷之一

昔屬東昌今隸臨清豈地有沿革而天亦變遷耶
星野之說闕疑焉可也謹仿州志恭紀

時巡盛典弁於卷端以志幸云

巡幸

康熙二十八年

聖祖仁皇帝南巡親閱運河堤自江寧

回鑾由河道晝夜兼行舟過縣境并無預備供給

康熙三十八年

聖祖仁皇帝駕發京師各官在運河水次接送

武城縣志

卷之一

巡幸

一

續

駕坐船頭百姓聚觀兩岸如堵並不禁止五月
回鑾仍由水路接送亦如之

康熙四十二年

聖祖仁皇帝南巡閱河由 路行經山東奉

諭旨朕甲子己巳兩次南巡路經東省見民生豐裕
士庶共慶近來淮黃告成朕不辭遠涉減從輕行
待旦而興夜分乃寐再經齊魯存問民生休戚似
不及甲子己巳朕深憺怛痼瘵之在抱也若閭閻
蓄積有餘即遇有水旱不致困 今特加恩蠲恤
用宏愛養朕所經過地方德州平原禹城齊河歷

城長清恩縣夏津武城館陶臨清清平博平堂邑
聊城東阿陽穀壽張滕嶧二十州縣康熙四十一年未完地丁錢糧着通行蠲免欽此

駕至江浙

回鑾由水路過縣境

御舟繚夫俱紅號衣紅帽黃頂彩繩繚板從船繚夫
俱青號衣其米麵猪羊鵝鴨柴炭武城備辦夏
津協辦

康熙四十四年

聖祖仁皇帝南巡由水路

武城縣志

卷之一

巡幸

二

續

駕入江南境

臨視河工至浙省復由江寧自水路

回鑾

乾隆三十年

高宗純皇帝南巡由衛河水路

乾隆三十六年

高宗純皇帝南巡自水路

回鑾

乾隆四十一年

高宗純皇帝東巡由衛河水路

乾隆四十五年

高宗純皇帝南巡自水路

回鑾

以上謹做臨清夏津志書補錄

謹按臨清夏津志書恭紀

時巡盛典而武城舊志闕如也伏讀

高宗純皇帝御製詩有衛水西來衛挾濁漳諸詠紀

在州志甚詳武城為

御舟水路經由之道當年且沐

聖恩蠲免錢糧則武城之邀

臨幸可知况如夏津協辦武城

武城縣志

卷之一

巡幸

三

續

皇差猶登志書以誌榮幸而武城轉弗恭紀可乎天

道遠人道邇請畧星野而誌

宸遊